



Inatsisartunut ilaasortaq Jess Svane, Siumut

§ 37 naapertorlugu nr. 104-2021 apequtigineqartut akineqarnerat

Asasara Jess Svane

Inatsisartut Suleriaasianni § 37 naapertorlugu ilaatigut coronamut akiuussutissamik kapitittareersimanermut uppersaataat coronamullu misissortinneq pillugit Naalakkersuisunut apeqquteqarsimavutit. Apeqqutigisatit uannit akisassanngortinneqarsimapput. Apeqqutigineqartut tullinnguuttuni ataasiakkaarlugit uteqqinneqarput akineqarlutillu.

Apeqqut 1: Inuit NemID-mik atuisuunngitsut, soorlu utoqqaat, marloriarlutik Coronamut akiuussutissamik kapitittareersimasut coronapas-imik piniarunik suut aqqudit atussavaat?

Innuttaasoq Nem-id-mik coronamulluunniit akiuussutissamik kapitittareersimanermut uppersaammik (coronapas-imik) inniminniinarnerminut ikiorneqarnissamik kissaateqaruni inuk najukkamini innuttaasunik sullissivimmu takkussinnaavoq tassanilu ikiorneqarluni.

Pisortani Digitalimik Allakkerinermiit inatsisit naapertorlugit ingerlatsiviit il. il. pisussaajunnaarsinnissaannut Namminersorlutik Oqartussat nalunaarutaanni § 5 naapertorlugu innuttaasoq allakkanik digitaliusunik tigusinissamik pisussaaffeqarunnaarsimaguni innuttaasoq Coronamut Allattoqarfimmu oqarasuaatikkut attaveqassaaq tamannalu pillugu paasissutissiilluni. Taamaaliortoqareerpat Coronamut Allattoqarfiup nalilissavaa qanoq iliorluni innuttaasoq coronamut akiuussutissamik kapitittareersimanermut uppersaataatissaminik tiguisinnaassanersoq.

Akiuussutissamik kapitinneq naammassineqareersimappat coronamut akiuussutissamik kapitittareersimanermut uppersaateqanngikkaluarluni naalagiarsinnaaneq, katerinnerni assigisaanilu peqataasinnaaneq suli periarfissaapput. Coronapasseqarnissaq piumasaqaataangilaq, kapitissimanermillu upernasaammik takutitsiinnartoqarsinnaavoq politit misiligutinik misissuinerini Assersuutigalugu politit misiliillutik misissuuartorpata politit Peqqissutsimut Naalakkersuisoqarfimmu saaffiginnissinnaapput pineqartup akiuussutissamik naammassillugu kapitissimanera paasissutissiissutigeqqullugu.

Taamaammallu coronamut akiuussutissamik kapitittareersimanermut uppersaammik innuttaasup nammineerluni peqarnissaa piumasaqaataangilaq, tamannalumi aamma tusagassiortunut ullormi 30. juli 2021 nalunaaruteqarnermi nalunaarutigineqarpoq.

13-08-2021
Suliap nr. 2021-14393
All. nr. 17549356
Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

Apeqqut 2: Naartusut milutsisisulluunniit neriniartarfinnut assigisaanulluunniit iserniarunik coronapas-eqaqqaartussaapput, imaluunniit misissortissimallutik?

Aap, isersinnaanermut piumasaqaatit – Piffissami 11. augustimiit 24. augustimut Nalunaarut katerisimaartarnernut, ininut kikkunnut tamanik iserfigineqarsinnaasunut killilersuigallannerit pillugu taakkununga coronamut akiuussutissamik kapitittareersimanermut uppersarsaat imaluunniit coronamut misissortinnermi tunillatsissimanginneq pillugu uppersarsaat nalunaaquttap akunnerinik ikinnerpaamik 48-nik pisoqaassusilik ilanngullugit - aamma naartusunut milutsisisunullu atuupput.

Apeqqut 3: Sooruna coronaqannginnermik misissortinniartut ersiuteqanngitsut sinerissami misissortinnissaminnik itigartinneqallattaasut?

Kikkut tamarmik Covid-19-imut misissortikkusuttut periarfissaqarnissaat kissaataalluinnarpoq. Nunatsinni sumiiffiit ilaanni misissortinnissaq killeqarpoq, tamatumalu kingunerisimavaa eqimattakkuutaartuni salliutitsineq

Tusagassiorfinnut nalunaaruteqarnitsinni 31. juli 2021-meersumi atuarneqarsinnaavoq *”inuit Covid-19-imut ersiutillit, inuillu tunillatsissimasunut qanillisimasut misissortittoqaleraangat salliutinneqartassasut. Soorluttaaq nunatsinnut tikittut akiuussuserneqarsimangitsut allallu peqqinnissakkut naliliiffigineqareerlutik tunillatsinnissamat immikkut ulorianartorsiortutut isigineqartut salliutinneqassasut.*

Inuit allat akiuussuserneqarsimangitsut, kisiannili imerniartarfinnut, neriniartarfinnut allanullu isersinnaanissaq siunertaralugu Covid-19-imut misissortinnissamik kissaateqartut, qanoq periarfissaqartiginera naapertorlugu taamaallaat misissortissinnaapput.”

Inussiarnersumik inuulluaqqusillunga

Kirsten L. Fencker